

ՍՈՑԻԱԼ-ՏՆՏԵՍԱԿԱՆ ԿՅԱՆՔԸ
ՌԻՐԱՐՏԱԿԱՆ ՌՈՒՍԱԽԻՆԻԼԻ ԶԱՂԱՔՈՒՄ

Գ. Ն. ՍԱՐԳՍՅԱՆ

Ռուսախինիլի քաղաքը (Թոփրախ-կալե՝ Վան քաղաքի հյուսիս-արևելյան ծայրամասում) հիմնադրել է Ուրարտուի թագավոր Ռուսա I-ը (735—713): Այդ մասին տեղեկություն է պահպանվել շուրջ 25 կմ Վանից արևելք գտնվող Թոնի գյուղի մոտակայքի արհեստական լճի շրջակայքից հայտնաբերված արձանագրությունում¹:

Արձանագրությունում Ռուսա I-ը պատմում է ոչ միայն իր անունով կոչվող Ռուսախինիլի քաղաքը հիմնադրելու, այլև իր կողմից նրան կից ուրարտական արքայական կամ պետական տնտեսություն ստեղծելու մասին: Հանուն այդ նպատակի նա ստեղծում է արհեստական լիճ, անցկացնում է ջրանցք է: մշակելի դարձնում նորակառույց քաղաքի շրջակայքի հողատարածությունները: Մինչ այդ ազատ, անմշակ հողերը դառնում են մշակելի, որոնց բազայի վրա հիմնվում են «խաղողուտ», «անտառ», «հացահատիկի ցանքսի դաշտ»: Ջուր է տրամադրվում նաև Տուշպա արքայական քաղաքի կարիքների համար: Արձանագրությունում տեղեկություններ կան խաղողագործության, հացահատիկի մշակության, անտառամշակության մասին:

Ռուսախինիլի քաղաքի տնտեսության ձևերի մասին տեղեկություններ է պահպանել նաև Ռուսախինիլի ավերակներից գտնված սեպագիր փաստաթուղթը (գրված կավե աղյուսի վրա), որի հեղինակը անհայտ է²:

Նրա իմաստից հասկանալի է, որ Ռուսախինիլի քաղաքի տնտեսության ճյուղերից մեկն էլ եղել է անասնապահությունը:

Ռուսախինիլի քաղաքի արհեստների մասին տեղեկություններ են պահպանել հնագիտական պեղումների ընթացքում այդ քաղաքի տարածքից հայտնաբերված մի շարք առարկաներ³: Դրանց մի մասի վրա կան արձանագրություններ, որոնք ցույց են տալիս, թե ում են պատկանում այդ առարկաները, ինչ նպատակի համար են օգտագործվել կամ դրանց մի մասը տարողության ինչպիսի չափեր ունի:

Այդ առարկաներից են Ռուսա I-ին պատկանող ճյուղավոր աշտանակը⁴,

1 C. F. Lehmann-Haupt. Corpus Inscriptionum Chaldicarum. Berlin und Leipzig, 1935, II, S. 145, Tafel 38(f) (այսուհետև՝ CICH); F. W. König. Handbuch der chaldischen Inschriften, Teil II, Tafel 92(121) (այսուհետև՝ Handbuch); Г. А. Меликишвили. Урартские клинообразные надписи. М., 1960, №268 (далее УКН).

2 A. H. Sayce. The Cuneiform Inscriptions of Van, IV (Journal of the Royal Asiatic Society of Great Britain and Ireland (JRAS). London, 1893, № LXXVIII, p. 15; F. W. König. Handbuch, Teil II, S. 163, Incerta 11; Г. А. Меликишвили. УКН, №326; Н. М. Дьяконов. Урартские письма и документы. М.—Л., 1963, №13 (далее УПЛ).

3 C. F. Lehmann-Haupt. Materialien zur alteren Geschichte Armeniens und Mesopotamiens, Berlin, 1907, S. 65—124 (այսուհետև՝ Materialien); R. D. Barnett. The Excavations of the British Museum at Toprak Kale Near Van (Iraq, vol. xii, part I, London, 1950), p. 7—16 (այսուհետև՝ Excavations).

4 УКН, № 443. Արձանագրությունում չի բերված Ռուսա թագավորի հայրանունը, ըստ այդմ էլ այն Ռուսա I-ին վերագրելը պայմանական է՝ տե՛ս H. Hoffmann, J. Fliedrich. Der urartaische Kandelaber in Hamburg und seine Keilinschrift (ZDMC, Leipzig, 1961, Bd. 111, N. F. 36, Ht. 2).

ինչպես նաև Ռուսա I-ի զինանոցին⁵ պատկանող գավաթը: Այդ առարկաներից են նաև մի շարք բրոնզե վաճանները, որոնցից երկուսը պատկանում են Ռուսա II (685—645) թագավորին⁶, իսկ վեցը՝ Ռուսա III-ին: Ընդ որում, Ռուսա III-ին պատկանող այդ վաճաններից 5-ի վրա գրված է, որ Ռուսան դրանք նվիրել է խալդի աստծուն⁷, իսկ մեկի արձանագրությունում ավելացած է, թե Ռուսան այդ վաճանը նվիրել է խալդի աստծուն հանուն իր կյանքի⁸: Ռուսա III-ին պատկանող վաճաններից մեկի վրա քանդակված են առյուծների ու ցուլերի պատկերներ⁹: Գտնված բրոնզե վաճաններից երկուսի արձանագրություններում¹⁰ հիշատակված են ուրարտական ինչ-որ թագավորի տիրոջ սպարի վերջին բառերը: Հայտնաբերվել են նաև բրոնզե սկուտեղ¹¹ և բրոնզե հատիչ գործիք¹² Ռուսա III-ի արձանագրությամբ: Գտնված իրերից է ոսկրե ապարանջանը, որի վրա արձանագրություն կա¹³: Հայտնաբերվել են անոթներ¹⁴, կարասների կտորներ¹⁵, որոնց վրա գրված են դրանց սարողությունը:

Ռուսախինիլի քաղաքի պեղումներից Լևհման-Հաուպտը և Վ. Բելլը 1898 թ. հայտնաբերել են գյուղատնտեսական աշխատանքների երկաթե գործիքներ՝ խոփ, գուլթան, բրիչ, մանգաղ, եղան¹⁶:

Ինչպես երևում է, Ռուսախինիլի քաղաքում զարգացած է եղել արհեստագործությունը: Հատկապես աչքի են ընկել մետաղամշակության և կավագործության հետ կապված արհեստները: Մետաղամշակության, մասնավորապես բրոնզի մշակության բազայի վրա զարգացել է զինագործական արհեստը, որի արտադրանքներից են եղել բրոնզե վաճանները: Մետաղամշակության բազայի վրա զարգացել են նաև աշխատանքի գործիքների (երկաթե խոփերի, գուլթանների, բրիչների, մանգաղների, եղանների, բրոնզե հատիչների) և կենցաղային իրերի (բրոնզե սկուտեղների) պատրաստման արհեստները: Մետաղամշակության հետ կապված զարգացել է նաև քանդակագործությունը, որի նմուշներից են վաճանների վրա քանդակված առյուծների ու ցուլերի պատկերները: Մետաղամշակությունը, մասնավորապես գյուղատնտեսական աշխատանքների երկաթե գործիքների պատրաստումը, նպաստել է հողագործության զարգացմանը:

Կավագործության բազայի վրա զարգացել է բրուտագործությունը, որի արտադրանքներից են կարասները, անոթները, գավաթները, աշտանակները: Արհեստների ճյուղերից է եղել նաև զարդագործությունը, որի արտադրանքներից է ոսկրե ապարանջանը:

Մատնանշված բոլոր փաստերը ցույց են տալիս, որ Ռուսախինիլի քաղաքի տնտեսության հիմնական ճյուղերն են եղել այգեգործությունը (խաղողագործություն), դաշտավարությունը (հացահատիկի մշակություն), անտառամշակությունը, անասնապահությունը և մետաղամշակության ու բրուտագործության հետ կապված արհեստագործությունը: Զարգացման է հասել նաև այդ

5 YKH, № 443 (II).

6 R. D. Barnett. Excavations, p. 7; KYH, №№ 282, 454.

7 R. D. Barnett. Excavations, p. 13—15; YKH, №№ 289, 290, 292, 293, 294.

8 YKH, № 458 (a).

9 YKH, № 458 (a).

10 R. D. Barnett. Excavations, p. 13; YKH, №№ 287, 291.

11 R. D. Barnett. Excavations, p. 16; YKH, № 296 (a-b).

12 C. F. Lehmann-Haupt. Materialien, S. 99; R. D. Barnett. Excavations, S. 16; YKH, № 296 (a-b).

13 C. F. Lehmann-Haupt. Armenien einst und jetzt, Berlin und Leipzig, 1931, Bd. II, Heft 2, S. 584—585 ((այսուհետև՝ Armenien); YKH, № 365.

14 YKH, № 523 a-x.

15 C. F. Lehmann-Haupt. Materialien, S. 111; Armenien, Bd. II, Heft 2, S. 473, 560, 585; YKH, № 340a-x.

16 C. F. Lehmann-Haupt. Materialien, S. 101, Figur 72.

տնտեսության ոռոգման սիստեմը: Բնական է ենթադրել, որ այդ տնտեսությունն մեջ աշխատել են ջրանցքաշինարարները, այգեգործները (խաղողագործներ), դաշտավարները (հացահատիկ մշակողներ), անտառաբույծները, անասնապահները և մետաղամշակության ու կավագործության հետ կապված պոհնաստավորները (զինագործներ, բրուտներ, դարդագործներ, քանդակագործներ, գյուղատնտեսական աշխատանքների երկաթե գործիքներ պատրաստողներ՝ դարբիններ): Հենց սրանք էլ, այն է՝ ջրանցքաշինարարները, տղիգործները (խաղողագործներ), դաշտավարները (հացահատիկ մշակողներ), անտառաբույծները, անասնապահները, զինագործները, դարբինները, բրուտները, դարդագործները, քանդակագործները կազմել են Ռուսախինի լողաքի հասարակության խավերը:

Ռուսախինի քաղաքի հասարակության խավերի և նրանց սոցիալական հարաբերությունների մասին կոնկրետ և արժեքավոր տեղեկություններ է պահպանել Ռուսա II-ի (685—645) հետևյալ սեպագիր փաստաթուղթը (գրված կավե աղյուսի վրա). «Տարին, որում քաղաքից Ռուսաչի՝ Արգիշթիի (որդու), Շազան՝ իշկուգուլյան թագավորի ավագ որդին, եկավ Մանա երկիր Աքայի տեղի, երբ հալդի թագավորին թողեցին (բնակեցրին) Ռուսախինիում կիլբանի երկրի սրբավայրի մոտից (բառացի՝ առջեից) 104 (մարդ) *tardašhe*, 1009 (մարդ) *kirini*, ընդամենը 1113 (մարդ) *magi* (=ավագանի՞): 3784 ներքինի, 2409 պատանի, 119 (մարդիկ, որոնք գտնվում են) «հաշվի մարդու» մոտ, 68 մանածագործուհիներ (*), 1188 շնապահներ: 300 զինված ազատ մարդիկ: 90 մարդիկ բնակչության (*):

Հակ. կողմ — 168 ծառա (*), պալատի, 108 ներքինիներ պալատի, 35 (մարդիկ) *halbiw*, 10 գինեգործներ (*), (կամ գինի քաշողներ), 15 (մարդիկ) *šipika*: 52 (մարդիկ) *unqaita*, 15 (գտնվողներ) Ուբիաբիի առջև, 7 ջրեպաններ, 20 (մարդիկ զենքի) *garurda* (*), 10 մարդիկ (երկրի) Բ/Պուլիական: Ընդամենը 5507 մարդ»¹⁷:

Ակներև է, որ Ռուսախինի քաղաքի հասարակությունը բաղկացած է եղել մի շարք խավերից ու ենթախավերից:

Առաջինը ¹⁸ *magi*-ն, որը բաղկացած է 1113 հոգուց, Ի. Մ. Դյակոնովը¹⁸ համարում է «ավագանու», «պալատականների» խավ: Այդ խավը իր հերթին բաժանվել է 2 ենթախավերի՝ 1) ¹⁹ *tardašhe*, որը բաղկացած է 104 հոգուց, 2) ²⁰ *kirini*, որը իր կազմով համեմատաբար ավելի մեծ է և բաղկացած է 1009 հոգուց: Այս ենթախավի մասին խոսելիս իր վրա ուղարկություն է հրավիրում ուրարտերենի *ki-ri* «գավաթ»¹⁹ բառը: Հավանաբար ²¹ *kirini* ենթախավի անվան հիմքում ընկած է ուրարտերենի *ki-ri* «գավաթ» բառը, և այդ ենթախավի ²² *kirini* անունը նշանակում է «մարդ գավաթի» կամ «գավաթագործ»: ²³ *kirini* ենթախավի անվան այսպիսի ստուգաբանությունը կասկածանքի տակ է դնում ²⁴ *magi*-ն «ավագանու», «պալատականների» խավի դիտելու տեսակետը և, ընդհակառակը, առաջ է բերում այն միտքը, որ այդ խավը ներկայացնում է արհեստավորներին ընդհանրապես և գավաթագործներին՝ մասնավորապես:

Երկրորդ խավը կազմում են «ներքինիները» ²⁵ *SĀ.RĒŠJMES*, Սա Ռուսախինի քաղաքի հասարակության ամենաբազմանդամ խավն է: Նրա տեղամասերի թիվը հասնում է 3784 հոգու: Այս խավի մեջ մտնում են հետևյալ 4 ենթախավերը՝ 1) «պատանի» (²⁶ *arše*). որը բաղկացած է 2409 հոգուց և իր

¹⁷ C. F. Lehmann-Haupt. Materialien, S. 105, Figur 77a(1/1), 77b: Handbuch, Teil I, Tafel 98(131); УПД. № 12; УКН. № 286.

¹⁸ И. М. Дьяконов. Некоторые данные о социальном устройстве Урарту (Сборник памяти академика А. И. Тюменева, М.—Л., 1963), с. 63. (Ի. Մ. Դյակոնովը ²¹ *magi* տերմինը համարում է երկրի տերերի ուրի-ար-ու բառի հետ, որի մասին կա կարծիք թե այն ունի հնդիրանական ծագում):

¹⁹ УКН. с. 400.

թվաչիւն տեսակետից ամենամեծ ենթախաւն է, 2) «մարդիկ, որոնք գտնուել են» հաշվի մարդու մոտ», 3) «մանածագործուհիներ» ^{5A} CAD-li-e), 4) «շնապահներ» ^{1U} UR.ZIR), որը բաղկացած է 1188 մարդուց և թվապես ևրկրորդ ենթախաւն է:

Այս խաւը բաղկացած է հիմնականում տնտեսական և ծառայական աշխատանք կատարողներից: Դա երևում է նրա մեջ մտնող ենթախաւերի անդամների զբաղմունքի տեսակից: Եթե այդ ենթախաւերից ևրկրորդը («մարդիկ, որոնք գտնուել են հաշվի մարդու մոտ») ծառայական աշխատանքներ է կատարել, ապա ևրրորդը («մանածագործուհիներ») և շրրորդը («շնապահներ») բացարձակապես կատարել են տնտեսական բնույթի աշխատանքներ: Այդքան մեծ քանակությամբ (3784) ենթախաւերը, որոնք կաղմել են Ռուսաստանի քաղաքի տնտեսության ամբողջ անձնակազմի (5507) շուրջ 70 տոկոսը, աշխատել են, ինչպես ավելի կհամոզվենք հետագա շարադրանքի ընթացքում, ոչ թե պալատի ներսում, օրինակ՝ հարեմում, այլ պալատից դուրս և կատարել են այնտեղ եղած տնտեսական բնույթի աշխատանքներ, օրինակ՝ շնապահություն, մանածագործություն:

Նրանք դրկված են եղել ոչ միայն սեփական ունեցվածքից, այլև անձնական իրավունքից, այդ թվում մարդկային ամենատարրական հատկանիշից՝ սեռական հատկանիշից և նրանց մարդկային արժանապատվությունը իջեցված է եղել ամենացածրագույն աստիճանի վրա: Ուշագրավ է, որ այդ ^{1U} ŠĀ. RĒSİMES «ներքինիներ» ընդհանուր հասկացության տակ տղամարդկանցից բացի հանդես են եկել նաև կանայք՝ մանածագործուհի կանայք: Այս փաստը իր հերթին հաստատում է, որ նրանք նեղ իմաստով վերցրած ներքինիներ չէին, այլ եղել են տնտեսական բնույթի պետական հարկադիր աշխատանք կատարողներ, բայց հանգես են եկել «ներքինիներ» ընդհանուր հասկացության տակ: Պետությունը, հավանաբար, դրանց ներքինացրել է նրանց ամուսնանալու, ընտանիք կաղմելու պահանջից զրկելու, պետական տնտեսության հետ ընդմիջտ կապելու, նրանց ուժը ամբողջովին պետական տնտեսությանը տրամադրելու նպատակով:

Հիշատակված «հաշվի մարդ» ծառայել է Ռուսաստանի քաղաքի տնտեսությունում, իր ձեռքի տակ ունեցել է մարդիկ, որոնք ենթարկվել են իրեն, այսինքն՝ նրանց միջև գոյություն է ունեցել վերադասի և ստորադասի փոխհարաբերություն: «Հաշվի մարդու» կատարած աշխատանքի բնույթն էլ խնդրատիկայից թելադրում է, որ Ռուսաստանի քաղաքի տնտեսությունում այդպիսի մարդիկ հաշվառում են անցկացրել՝ կապված տնտեսության աշխատողների, նրանց կատարած աշխատանքի արդյունքների հետ: Որինակ՝ նրանք կարող էին հաշվառման ենթարկել աշխատանքի արդյունքները, այդ աշխատանքի համար տրամադրված հումքը, միջոցները և այլն: Փաստորեն հաշվի մարդիկ իրենցից ներկայացրել են ուրարտական Ռուսաստանի քաղաքի հասարակության շինուհիներին խաւը:

Երրորդ խաւը՝ ^{1U} KUR.KURMES որը բաղկացած է ընդամենը 300 հոգուց և չի բաժանվում որևէ ենթախաւի, Ի. Մ. Դլակոնովը դիտում է որպես «ցեղի դինված ազատ մարդիկ»²⁰ կամ «ցեղի ազատ համայնականաշխարհագրաչիների ջոկատ, որը ծառայում է պալատին կից»²¹:

Սակայն ^{1U} KUR.KURMES տերմինը մեկնաբանելիս իր վրա ուշադրություն է հրավիրում ինչպես նրա LU դեմոստրիանատիվը, որը սովորաբար օգտագործվում է մարդկանց կատեգորիան ցույց տալու համար, այնպես էլ KUR.KUR արմատը և հոգնակիության իմաստ արտահայտող MESցուցիչը:

²⁰ УПД, № 12, стк. 15.

²¹ И. М. Дьяконов. Некоторые данные о социальном устройстве Урарту (Сборник памяти академика А. И. Тюменева, с. 56. Ի. Մ. Դլակոնովը KURsurell տերմինը համարում է ուրարտերենի GİSsure «զենք» բառի հետ և մեկնաբանում՝ «դինված ուժեր, ցեղային աշխարհադր, ժողովուրդ (УПД, с. 91).

«Բազմակիություն» իմաստ են արտահայտում նաև ^{L1}KUR.KUR^{MES} տեր-
սյնի ուրարտերեն ^{KUR}šureli²² և ասուրերեն kiššati²³ «բազում»²⁴ համար-
մեքները: Ընդ որում, ուրարտացիները, թեև հավատարիմ մնալով իրենց կոնկ-
րետ լեզվամտածողությունը^{K11} sureli համարժեքությունը գրել են բառին կոնկ-
րետության նշանակություն հաղորդող KUR դետերմինատիվով, բայց նրա:
šureli արմատում, ի դեմս հոգնակիության li ցուցիչի, պահպանել են ասու-
րական kiššati «բազում» բառի իմաստը: Ի տարբերություն ^{KUR}Nairi-^{L1} Bā-
inili-^{KUR}Urartu տերմինների²⁵, որոնք ցույց են տվել կոնկրետ վերցրած բուն
Ուրարտուն, kiššati-^{K1} Ršureli-KUR.KUR^{MES} տերմինները²⁶ ցույց են տվել
Ուրարտուն^{L1} ենթարկվող բոլոր երկրները, մարզերը, չորոնց մեջ են մտել նաև
նվաճված երկրները²⁷:

Հետևաբար, ^{L1}KUR.KUR^{MES} տերմինը նշանակում է «մարդիկ բա-
զում երկրների», այսինքն՝ մարդիկ (ներկայացուցիչների իմաստով) բոլոր
այն երկրների, մարզերի, որոնք ենթարկվել են ուրարտական պետությունը:
Բնական է, որ խոսքը վերաբերում է նաև նվաճված երկրների բնակչույթյա-
նը, նրանց ներկայացուցիչներին:

Նորրորդ խավը՝ «մարդիկ ժողովրդի» (^{L1}UKU^{MES}-še. վանկագիր՝
^{L1}na-ra-ni), բաղկացած է 90 հոգուց և չի բաժանվում որևէ ենթախավի:
Այս խավը, փաստորեն, ներկայացնում է շարքային մարդկանց, աշխատա-
յոր մարդկանց, որոնք, ինչպես հաստատում են այլ փաստերը²⁸, վերցվել են
համայնականներից՝ պետական տնտեսությունում աշխատեցնելու նպատակով:

Հինգերորդ խավը կազմում են ^{L1}e-ši-a-te É.GAL, որը Ի. Մ. Դյակո-
նովը թարգմանում է «ծառա պալատի»: Սակայն ուրարտերենում «ծառա»
կամ «ստրուկ» բառը արտահայտված է ^{L1}š u-ra(^{L1} ERUM) տերմինով: Ուս-
տի Ի. Մ. Դյակոնովի թարգմանությունը չի հիմնավորվում: Այս խավը բազ-
մանդամ չէ, սրա մեջ մտնում են 168 մարդ, իր մեծությամբ գրավում է շոր-
րորդ տեղը: Այն բաղկացած է հետևյալ 4 ենթախավերից՝ 1) «ներքինի պա-
լատի» (^{L1}ŠĀ REŠI É. GAL), որի մեջ մտնում են 100 հոգի, 2) «մարդ
halbiw», որի մեջ մտնում են 10 հոգի, 3) «մարդիկ գինեգործ» (^{L1}UÉ.TIM^{MES}-
ni), որի մեջ մտնում են 10 հոգի, 4) «մարդ šipika», որի մեջ մտնում են 15
հոգի:

Արձանագրությունում հիշատակված վեց խավերից առանձնանում է
5-րդը նրանով, որ միայն նրա հետ կապված է ընդգծվում «պալատի»
(É.GAL) գաղափարը: Փաստորեն այդ խավի մեջ մտնող բոլոր 4 ենթախա-
վերը ծառայություն են կատարել պալատում: Սրա ենթախավերից առաջինի՝
^{L1}UŠĀ REŠI.F.GAL «ներքինի պալատի» անվան ŠĀ.REŠI «ներքինի» գլխավոր
նաղազրամասի հետ գործածված É.GAL «պալատ» բառը ընդգծում է, թե 5-րդ
խավում հիշատակված ներքինիները տարբերվել են 2-րդ խավում հիշա-
տակվածներին: Ընդ որում, եթե 5-րդ խավում հիշատակվածները պալատի
ներքինիներ են, ապա 2-րդ խավում հիշատակվածները պալատի հետ կապ
ունեն: Նրանք, ինչպես վերևում ասվեց, նեղ իմաստով վերցրած ներքինու

22 УКН, № 19. ուրարտերեն տեքստ, տող 3 (համեմատել՝ УКН, № 165, стк. 10; № 280, стк. 14):

23 УКН, № 19. ասուրերեն տեքստ, տող 2:

24 Л. А. Липин. Аккадский (вавилонно-ассирийский язык) словарь, вып. II. Л., 1957. с. 105.

25 УКН, № 19., ասուրերեն տեքստ, տող 3, ուրարտերեն տեքստ, տող 3 264., ուրար-
տերեն տեքստ, տող 29, ասուրերեն տեքստ, տող 27:

26 УКН, № 19, ասուրերեն տեքստ, տող 2, ուրարտերեն տեքստ, տող 3, № 165, տող 10,
№ 289, տող 14 (համեմատել № 24, երեսի կողմ, տող 27, հակառակ կողմ, տող 34 և այլն):

27 Д. Н. Саркисян. О некоторых документах страны Аза, связанных с социаль-
ными отношениями в Урарту (ВОН, 1988, № 3), с. 81, прим. 64.

28 УКН, № 155, Ծ, стк. 6.

աշխատանք չեն կատարել, ինչպես պալատի ներքինները, այլ կատարել են պալատից դուրս գտնվող տնտեսական աշխատանքներ և իրենցից ներկայացրել են ներքինացած պետական հարկադիր աշխատանք կատարողներ: Այս փաստերը թույլ են տալիս ասելու, որ արձանագրությունում ընդհանրապես խոսվում է ինչպես ուրարտական քաղաքում գտնվող պալատի և նրա աշխատողների, այնպես էլ պալատից դուրս գտնվող տնտեսության աշխատող մարդկանց մասին: Ընդ որում, եթե 5-րդ խավի անդամները պալատի աշխատողներ են, ապա մյուս խավերինը, հավանաբար, պալատից դուրս գտնվող տնտեսության աշխատողներ:

Եթե «ծառա պալատի» խավի ենթախավերից «մարդ halbiw» և «մարդ sipika» ենթախավերի պալատում կոնկրետ կատարած աշխատանքի բնույթը անորոշ է, ապա «ներքինի պալատի» և «մարդիկ գինեգործ» ենթախավերից առաջինը կատարել է պալատի ներքինու ծառայական աշխատանք, իսկ երկրորդը տնտեսական, տվյալ դեպքում՝ գինեգործական աշխատանք:

Վեցերորդ խավը կոչվում է «մարդ unqaita»: Սա Ռուսաստանիի քաղաքի տնտեսության աշխատողների սմենափոքր խավն է: Սրա մեջ մտնում են ընդամենը 52 մարդ: Այս խավը բաղկացած է հետևյալ 4 ենթախավերից՝ 1) «Ուբիաբիի մոտ (գտնվողներ)», որի մեջ մտնում են 15 հոգի, 2) «ջորեպաններ», որի մեջ մտնում են 7 հոգի, 3) «(մարդիկ գենքի) garurda», որի մեջ մտնում են 20 հոգի, 4) «մարդիկ (երկրի) ԲՊուլիական», որի մեջ մտնում են 10 հոգի:

Եթե «Ուբիաբիի մոտ (գտնվողներ)» և «մարդիկ (երկրի) ԲՊուլիական» ենթախավերի կատարած կոնկրետ աշխատանքի բնույթը անորոշ է և միայն կարելի է ասել, որ դրանցից առաջինը ծառայական աշխատանք է կատարել ումն Ուբիաբիի մոտ, իսկ երկրորդը ցույց է տալիս, որ ուրարտական արքայական կամ պետական տնտեսությունում գտնվել են ինչ-որ ԲՊուլիական երկրի մարդիկ, ապա «ջորեպաններ» և «(մարդիկ գենքի) garurda» ենթախավերից առաջինը կատարել է ջորեպանության հետ կապված տնտեսական բնույթի աշխատանքներ, իսկ երկրորդը՝ գենքի, գինեգործական արհեստի հետ կապված աշխատանքներ:

Այս խավում հիշատակված «Ուբիաբիի առաջ (գտնվողներ)» ենթախավում ընդգծվում է Ուբիաբիի արտոնյալ դիրքը իր մոտ գտնվող մարդկանց նկատմամբ: Եթե Ուբիաբին ներկայացնում է տերերի դասը, ապա նրա մոտ ծառայողները՝ ճնշվածների դասը: Այս փաստը ցույց է տալիս, որ հավանաբար վեցերորդ խավում հիշատակված մյուս ենթախավերի անդամները՝ «ջորեպաններ», «մարդիկ (երկրի) ԲՊուլիական», «(մարդիկ գենքի) garurda» ևս պատկանում են ճնշվածների դասին:

Փաստորեն հիշյալ արձանագրության տվյալները վկայում են, որ Ռուսաստանիի քաղաքի հասարակության խավերից են՝ 1) «մարիններ» կամ պալատից դուրս աշխատող արհեստավորները, որոնց մեջ են մտել «թարդաշխեններ» և «գավաթագործները». 2) պալատից դուրս, պետական տնտեսությունում հարկադիր աշխատանք կատարող «ներքիններ», որոնց մեջ են մտել «պատանիներ», «հաշվի մարդու մոտ աշխատողներ», «մանածագործուհիներ», «չնապահներ». 3) «շուրեյիներ» կամ ներկայադուցիչները բազում երկրների, որոնք ենթարկվում էին Ուրարտուին. 4) «ժողովրդի մարդիկ» կամ շարքալին, աշխատավոր մարդիկ, որոնք վերցվել էին համայնականներից՝ աշխատեցնելու նպատակով. 5) «էշիաթենեոր պալատի» կամ «էշիաթե մարդիկ պալատի», որոնց մեջ են մտել «պալատի ներքիններ» «խալբիները պալատի», «գինեգործները պալատի», «ծիպիքանեոր պալատի». 6) «ունկաիթաններ» կամ «ունկաիթտ մարդիկ», որոնց մեջ են մտել ումն «Ուբիաբիի մոտ աշխատողներ», «ջորեպաններ», «գարուրոտ գենագործներ», «պուլիացիներ» կամ «Պուլի երկրի մարդիկ»: Դրանցից «հաշի մարդը» և ումն Ուբիաբին եղել են պետության ներկայացուցիչներ, արտոնյալ դասին, տերերի դասին պատկանող մարդիկ, իսկ մյուսները եղել են ճնշվածների դասին, ծառաների կամ ստրուկների դասին պատկանող մարդիկ: